



INTERNACIONALNI UNIVERZITET U SARAJEVU

IZVJEŠTAJ O SAMOEVALUACIJI

Za akademsku 2012/13. godinu



Sarajevo, decembra 2013. godine

Copyright IUS ©2013

All rights reserved.

INTERNACIONALNI UNIVERZITET U SARAJEVU

IZVJEŠTAJ O SAMOEVALUACIJI

(Akademska godina 2012/13)

SADRŽAJ

1	OSNOVNE INFORMACIJE O INTERNACIONALNOM UNIVERZITETU U SARAJEVU	3
1.1	O Osnivaču	3
1.2	O Univerzitetu	4
1.3	Organizacione jedinice u okviru Univerziteta	5
1.4	Implementacija bolonjskih ciljeva na Univerzitetu	8
1.5	Naučni, naučnoistraživački i/ili umjetnički rad	8
1.6	Veze sa okruženjem, ekonomijom i institucijama partnerima	8
1.7	Finansijska sredstva za rad Univerziteta	11
1.8	Statistički podaci	11
2	PROVOĐENJE SAMOEVALUACIJE	14
2.1	Komisija za provođenje samoevaluacije	14
2.2	Postupak samoevaluacije	14
3	KRITERIJI ZA AKREDITACIJU	15
3.1	KRITERIJ 1. Razvoj i strategija visokoškolske ustanove	15
3.2	KRITERIJ 2. Menadžment, interne procedure za osiguranje kvaliteta i kultura kvaliteta	17
3.3	KRITERIJ 3. Procedure za osiguranje kvaliteta studijskih programa	22
3.4	KRITERIJ 4 . Procedure ocjenjivanja studenata	24
3.5	KRITERIJ 5. Ljudski resursi	26
3.6	KRITERIJ 6 . Kvaliteta fizičkih resursa	29
3.7	KRITERIJ 7. Informacioni sistemi	34
3.8	KRITERIJ 8. Informiranje javnosti	36
3.9	KRITERIJ 9. Međunarodni odnosi	37

Lista oznaka, skraćenica i simbola

BIO	Genetika i bioinženjering
CS	Računarske nauke i inženjering
ECON	Ekonomija
ECTS	Evropski sistem prijenosa bodova
ELS	Škola engleskog jezika
ERP	Enterprise Resource Planning
ESG	Standardi i smjernice za osiguranje kvaliteta u evropskom području visokog obrazovanja
FASS	Fakultet umjetnosti i društvenih nauka
FBA	Fakultet menadžmenta i javne uprave
FENS	Fakultet prirodnih i tehničkih nauka
IE	Industrijski inženjering
IR	Međunarodni i javni odnosi
IT	Informacione tehnologije
IUS	International University of Sarajevo
ME	Mikroelektronika
MLS	Studij menadžmenta i rukovođenja
SPS	Društvene i političke nauke
VACD	Vizualne umjetnosti i dizajn vizualnih komunikacija
YOK	Vijeće za visoko obrazovanje Turske



- SENAT -

Broj: IUS SENAT-11-3153/13
Sarajevo, 06.12.2013. godine

Na osnovu člana 24, 25, 44. i 119. Zakona o visokom obrazovanju („Službene novine Kantona Sarajevo“, broj: 42/13 – prečišćeni tekst), Odluke broj: IUS-SENAT 11-2257/2013 od 12.09.2013. godine, Senat Internacionalnog univerziteta u Sarajevu, na svojoj 35. sjednici održanoj dana 06.12.2013. godine, donio je sljedeću

ODLUKU

I

Usvaja se Izvještaj o samoevaluaciji za akademsku 2012/2013. godinu, sačinjen od strane Komisije za pripremu i izradu samoevaluacionog izvještaja, kao dio sveukupnog sistema unutrašnje ocjene kvaliteta.

II

Navedeni Izvještaj o samoevaluaciji čini sastavni dio ove odluke.

III

Ova odluka stupa na snagu danom donošenja.


REKTOR
Prof. dr. Yücel Oğurlu

Dostavljeno:

- 1 x* Ministarstvo za obrazovanje, nauku i mlade Kantona Sarajevo
- 1 x* fakulteti i ELS
- 1 x* oglasna ploča
- 1 x* internet stranica
- 1 x* a/a

Naziv visokoškolske institucije	International University of Sarajevo (IUS)
Adresa	Hrasnička cesta 15, 71210 Ilidža Sarajevo
Kontakt telefon i faks	Tel.: 033 957 100, 957 101, 957 102 Fax: 033 957 105
E-mail adresa	info@ius.edu.ba
Adresa web stranice	http://www.ius.edu.ba
Osoba zadužena za proceduru samoevaluacije	Assist. Prof. Dr. Muhamed Hadžiabdić, prorektor IUS-a
Kontakt informacije osobe zadužene za samoevaluaciju	mhadziabdic@ius.edu.ba , +387 (0)33 957 125

1 OSNOVNE INFORMACIJE O INTERNACIONALNOM UNIVERZITETU U SARAJEVU

Misija IUS-a

Misija IUS je unapređenje društva kroz istraživanje iz oblasti nauke, tehnologije i umjetnosti, obrazovanje ljudi sposobnih za kritičko razmišljanje i dalje usavršavanje za svoju dobrobit i dobrobit društva u cjelini. IUS će kao univerzitet internacionalnog karaktera sarađivati sa univerzitetima širom svijeta sa ciljem stvaranja stimulativne i kreativne atmosfere za obrazovanje studenta i razvoj istraživačkih aktivnosti.

Misija IUS ima šest dimenzija i to:

- *Internacionalizacija visokog obrazovanja*
- *Integritet pojedinaca i visoki moralni standardi*
- *Interdisciplinarni programi*
- *Razumjevanje raličitih kultura*
- *Angažman u javnom djelovanju*
- *Izvrsnost u naučnim i umjetničkim istraživanjima*

Vizija IUS-a

IUS će postati internacionalno prepoznatljiva visokoškolska ustanova uz zajednički napor osnivača, akademskog i administrativnog osoblja, studenata i svih ostalih aktera.

IUS ima za cilj da bude vodeća visokoškolska i istraživačka institucija u regionu Balkana koja će povezivati Istok i Zapad i čiji će studenti imati kompetencije potrebne za suočavanje sa izazovima modernog doba i biti lideri u razvijanju i unapređenju društva.

1.1 O Osnivaču

„Fondacija za razvoj obrazovanja“ Sarajevo, osnovana je u Sarajevu 2001. godine kao nevladina organizacija neprofitnog karaktera, u skladu sa pravnim propisima u Bosni i Hercegovini. Registrirana je od strane Ministarstva pravde Federacije Bosne i Hercegovine. Svrha Fondacije je da traži i kreira akademske, materijalne i pravne uslove za unapređenje obrazovanja u Bosni i Hercegovini. Grupa poslovnih ljudi iz Turske te nekoliko intelektualaca iz Bosne i Hercegovine kao njeni osnivači zajednički rade na ostvarivanju planova Fondacije.

Upravna i stručna tijela ove Fondacije su: Upravni odbor i Skupština.

1.2 O Univerzitetu

Puni naziv Univerziteta na službenim jezicima u Bosni i Hercegovini glasi:

INTERNACIONALNI UNIVERZITET U SARAJEVU

na engleskom jeziku:

INTERNATIONAL UNIVERSITY OF SARAJEVO.

Sjedište Univerziteta je u Sarajevu, u ulici Hrasnička cesta, broj 15.

Univerzitet je osnovan na temelju sljedećih upravnih akata:

- a) Odluke Vlade Kantona Sarajevo, broj: 02-05-10404-10/03 od 18. 06. 2003. godine, koja je objavljena u "Službenim novinama Kantona Sarajevo", broj: 14/03 od 19. 06. 2003. godine i kojom je data saglasnost „Fondaciji za razvoj obrazovanja“ za osnivanje Internacionalnog univerziteta u Sarajevu kao ustanove.
- b) [Rješenja](#) Ministarstva obrazovanja i nauke Kantona Sarajevo, broj: 11-38-3509 od 16. 06. 2003. godine, kojim je utvrđeno da su ispunjeni zakonom predviđeni uvjeti za osnivanje Internacionalnog univerziteta u Sarajevu kao ustanove i da je Osnivač Internacionalnog univerziteta u Sarajevu „Fondacija za razvoj obrazovanja“.
- c) [Rješenja](#) Ministarstva obrazovanja i nauke Kantona Sarajevo, broj: 11-01-38 od 23. 06. 2004. godine o ispunjavanju uvjeta za početak rada Internacionalnog univerziteta u Sarajevu kao ustanove, kojim je utvrđeno da su ispunjeni svi predviđeni uvjeti za početak rada u školskoj 2004/2005. godini.

Statut IUS¹ koji se spominje u ovom izvještaju usvojen je 10. jula 2012. godine.

IUS je neprofitna, nezavisna visokoškolska institucija koja samostalno osigurava sredstva za

¹ Postupajući po dopisu Ministarstva za obrazovanje, nauku i mlade Kantona Sarajevo, broj: 11-05-38-sl./12, Senat IUS-a je 12.09.2013.godine usvojio novi Statut te je isti je dostavljen Ministarstvu u skladu sa zakonskom obavezom. U toku je usklađivanje teksta Statuta u skladu sa preporukama Ministarstva, nakon čega se očekuje dostavljanje rješenja o usklađenosti Statuta sa Zakonom o visokom obrazovanju od strane Ministarstva, čime navedeni statut stupa na snagu.

svoj rad i nudi obrazovanje na sva tri ciklusa studija, kao i posebne programe za profesionalno usavršavanje u određenim oblastima. Obrazovanje je organizirano oko studijskih programa koji se međusobno prožimaju omogućujući simbiozu tradicionalnih i novih disciplina. Univerzitet podstiče i promovira akademsku, kulturnu i društvenu saradnju sa regionalnim i međunarodnim univerzitetima srodne orijentacije.

IUS je moderna obrazovna i naučnoistraživačka visokoškolska institucija koja ostvaruje specifičan i originalan program obrazovanja, naučnoistraživačkog rada i specijalističkog usavršavanja u oblastima prirodnih i društvenih nauka, moderne umjetnosti, u primijenjenim naukama i izabranim inženjerskim disciplinama.

Kroz nastavne i istraživačke aktivnosti Univerzitet okuplja studente i akademsko osoblje iz cijelog svijeta i tako stvara jedinstvenu sredinu za povezivanje različitih kultura i razmjenu znanja.

Kao međunarodna institucija za obrazovanje i razvoj, Univerzitet saraduje sa univerzitetima iz regije kao i drugih dijelova svijeta, s ciljem stvaranja stimulativne i ugodne atmosfere za učenje i provođenje istraživanja za studente i profesore iz cijelog svijeta.

1.3 Organizacione jedinice u okviru Univerziteta

Univerzitet ima sljedeće organizacione jedinice:

- Fakultet prirodnih i tehničkih nauka (FENS);
- Fakultet menadžmenta i javne uprave (FBA);
- Fakultet umjetnosti i društvenih nauka (FASS).

U tabeli su dati: organizaciona struktura Univerziteta, nazivi odsjeka, studijskih programa kao i zvanja koja se stječu na sva tri ciklusa studija.

NAZIV ORGANIZACIONE JEDINICE/ ODSJEKA/ STUDIJSKOG PROGRAMA	STRUČNO/NAUČNO ZVANJE KOJE SE STJEČE		
	Nakon završenog prvog ciklusa studija 240 ECTS (4 godine)	Nakon završenog drugog ciklusa studija + 60 ECTS (1 godina)	Nakon završenog trećeg ciklusa + 180 ECTS (3 godine)
FAKULTET UMJETNOSTI I DRUŠTVENIH NAUKA			
<i>ODSJEK UMJETNOSTI</i>			

Studijski program: Vizualne umjetnosti i dizajn vizualnih komunikacija	Bakalaureat/Bachelor vizualnih umjetnosti i dizajna vizualnih komunikacija	Magistar vizualnih umjetnosti i dizajna vizualnih komunikacija	Doktor umjetnosti iz oblasti vizualnih umjetnosti i dizajna vizualnih komunikacija
<i>ODSJEK DRUŠTVENIH NAUKA</i>			
Studijski program: Društvene i političke nauke	Bakalaureat/Bachelor društvenih i političkih nauka	Magistar društvenih i političkih nauka	Doktor nauka iz oblasti društvenih i političkih nauka
<i>ODSJEK KULTUROLOŠKIH STUDIJA</i>			
Studijski program: Kulturološke studije	Bakalaureat/Bachelor kulturoloških studija	Magistar kulturoloških studija	Doktor nauka iz oblasti kulturoloških studija

FAKULTET MENADŽMENTA I JAVNE UPRAVE			
<i>ODSJEK EKONOMIJE I MENADŽMENTA</i>			
Studijski program: Ekonomija	Bakalaureat/Bachelor ekonomije	Magistar ekonomije	Doktor ekonomskih nauka
Studijski program: Studij menadžmenta i rukovođenja	Bakalaureat/Bachelor menadžmenta i rukovođenja	Magistar menadžmenta i rukovođenja	Doktor nauka iz oblasti menadžmenta i rukovođenja
<i>ODSJEK MEĐUNARODNIH ODNOSA I JAVNE UPRAVE</i>			
Studijski program: Međunarodni i javni odnosi	Bakalaureat/Bachelor međunarodnih i javnih odnosa	Magistar međunarodnih i javnih odnosa	Doktor nauka iz oblasti međunarodnih i javnih odnosa

FAKULTET PRIRODNIH I TEHNIČKIH NAUKA			
<i>ODSJEK PRIRODNIH NAUKA</i>			
Studijski program: Genetika i bioinženjering	Bakalaureat/Bachelor - inženjer genetike i bioinženjeringa	Magistar - diplomirani inženjer genetike i bioinženjeringa	Doktor nauka iz oblasti genetike i bioinženjeringa
<i>ODSJEK TEHNIČKIH NAUKA</i>			
Studijski program: Industrijski inženjering	Bakalaureat/Bachelor - inženjer industrijskog inženjeringa	Magistar - diplomirani inženjer industrijskog inženjeringa	Doktor nauka iz oblasti industrijskog inženjeringa
Studijski program: Elektrotehnika i elektronika	Bakalaureat/Bachelor - inženjer elektrotehnike i elektronike	Magistar - diplomirani inženjer elektrotehnike i elektronike	Doktor nauka iz oblasti elektrotehnike i elektronike
Studijski program: Mašinstvo	Bakalaureat/Bachelor - inženjer mašinstva	Magistar - diplomirani inženjer mašinstva	Doktor nauka iz oblasti mašinstva
Studijski program: Arhitektura	Bakalaureat/Bachelor - inženjer arhitekture	Magistar - diplomirani inženjer arhitekture	Doktor nauka iz oblasti arhitekture
Studijski program: Računarske nauke i inženjering	Bakalaureat/Bachelor - inženjer računarskih nauka i inženjeringa	Magistar - diplomirani inženjer računarskih nauka i inženjeringa	Doktor nauka iz oblasti računarskih nauka i inženjeringa

ISTRAŽIVAČKI INSTITUT SA CENTRIMA (u procesu uspostavljanja)			
---	--	--	--

1.4 Implementacija bolonjskih ciljeva na Univerzitetu

Od samog početka nastava na IUS-u odvija se u skladu sa načelima Bolonjske deklaracije.

- Evropski sistem prijenosa bodova (ECTS) primjenjuje se na svim studijskim programima IUS-a. Studentima se dodjeljuju ECTS bodovi i ocjene u skladu sa položenim predmetima.
- Na IUS-u se primjenjuje sistem „4+1+3“, što znači da je nominalno trajanje prvog ciklusa, odnosno dodiplomskog studija ili bakalaureata četiri godine (240 ECTS), trajanje drugog ciklusa tj. diplomskog ili magistarskog jedna (60 ECTS) i trajanje trećeg ciklusa, tj. postdiplomskog odnosno doktorskog studija, tri godine (180 ECTS).
- Po završetku studija na IUS-u studentima se pored diplome izdaje i *Dodatak diplomi*, koji sadrži informacije o položenim predmetima, postignutim ocjenama, prikupljeni broj ECTS bodova kao i druge neophodne informacije koje su navedene u ECTS vodiču.
- Nastavni plan i program, zasnovan na ishodima učenja, primjenjuje se na svim studijskim programima IUS-a, što je u skladu sa evropskim deskriptorima okvira kvalifikacija.
- Studenti su s punim pravom glasa zastupljeni u svim tijelima IUS-a koja donose odluke, kao što su Senat, Vijeća fakulteta i drugim tijelima.

1.5 Naučni, naučnoistraživački i/ili umjetnički rad

Naučni, naučnoistraživački i/ili umjetnički rad na IUS-u regulirani su internim aktima Univerziteta, i to [Statutom IUS-a](#) i [Pravilnikom o naučno-istraživačkoj/umjetničko-istraživačkoj djelatnosti i akademskim zvanjima](#), broj: IUS-SENAT 11-808/11. Razni su vidovi podrške koju IUS pruža svom istraživačkom kadru, o čemu će biti riječi kasnije.

1.6 Veze sa okruženjem, ekonomijom i institucijama partnerima

IUS je uspostavio čvrste veze sa lokalnom zajednicom, institucijama partnerima i predstavnicima industrije. Ova saradnja rezultirala je koristima za sve strane. Utjecaj IUS-a na Bosnu i Hercegovinu, Sarajevski kanton i općinu Ilidža ogleda se u sljedećim činjenicama:

- Na IUS-u je trenutno zaposleno 60 osoba u administraciji, a nastavnički kadar broji

106 osoba.

- Osnivač IUS-a uložio je preko 35 miliona konvertibilnih maraka u razvojne projekte Univerziteta, a dodatnih deset miliona konvertibilnih maraka planira investirati u narednih pet godina.
- Na IUS-u studira 1640 studenata, od čega je 1000 stranih studenata.
- IUS ostvaruje saradnju s industrijom i različitim institucijama kroz istraživačke i razvojne projekte.

Navodimo nekoliko aktuelnih primjera ovog tipa saradnje:

- **Uvođenje V stepena kvalifikacija u BiH (*Positioning Level V Qualification in BiH*), EuropeAid/133-306/L/ACT/BA,**

Projekat koji finansira Evropska komisija ima za cilj da postavi okvir i pruži početne smjernice za uvođenje novog vida kvalifikacija u obrazovni sistem - V stepena - koji bi uz saradnju različitih interesnih grupa trebao rezultirati unapređenjem tržišta rada i većim uključivanjem različitih društvenih kategorija.

IUS-ovi partneri u ovom projektu su sljedeće javne ustanove:

- JU Mješovita srednja škola, Živinice
- JU Mješovita srednja škola "Musa Ćazim Ćatić", Olovo

Sljedeće institucije i preduzeća imaju svoje predstavnike u Savjetodavnom odboru ovog projekta:

- Ministarstvo civilnih poslova BiH
- Federalno ministarstvo obrazovanja i nauke
- Ministarstvo obrazovanja, nauke, kulture i sporta Tuzlanskog kantona.
- Ministarstvo obrazovanja, nauke, kulture i sporta Zeničko-dobojskog kantona.
- Privredna komora Kantona Sarajevo
- Privredna komora Tuzlanskog Kantona
- Privredna komora Zeničko-dobojskog Kantona
- Udruženje poslodavaca BiH

- Udruženje poslodavaca Federacije BiH
 - Federalna Agencija za zapošljavanje
 - Ećo Company d.o.o.Sarajevo
 - Konjuh d. d. Živinice
 - Drvna industrija SECOM d.o.o.Visoko
 - Prominvest d.o.o.Konjic
 - Srednja škola za okoliš i drveni dizajn, Sarajevo
- **Optimizacija kontrole pristupa (Industrijski projekat sa firmom UTRC-I, Cork, Irska)**

Access Control Optimization je istraživački projekat koji finansira IT firma iz Irske. Cilj ovog istraživačkog projekta je da razvije metode optimizacije rada velikih internet sistema. Vrijednost projekta je 20.000 eura. U projekat su uključeni i studenti IUS-a.

- **USAID IT projekat**

U okviru ovog projekta, koji je finansiran od strane USAID-a, profesori sa studijskog programa Računarske nauke i inženjering osmislit će nekoliko vrsta kurseva obuke u saradnji sa IT kompanijama iz Sarajeva. Kursevi su prvenstveno namijenjeni studentima IUS-a, ali i vanjskim učesnicima. Cilj projekta je povećanje mogućnosti za zapošljavanje mladih u IT sektoru na način da ih se obuči vještinama koje su aktuelne i tražene na tržištu kako bi brzo pronašli posao u lokalnoj ekonomiji. Na pripremi ovih kurseva IUS će saradivati sa udruženjem BiH IT kompanija, *BH Alliance*, čiji su osnivači Atlant BH, Authority Partners, Zira, Ping, Gren River Media i DevLogic.

Pored navedenih mjerljivih indikatora, postoje i oni nemjerljivi, a tiču se utjecaja IUS-a na ekonomski, kulturni, društveni i intelektualni život u BiH. Studenti IUS-a učestvuju u mnogim kulturnim i sportskim aktivnostima na lokalnom i državnom nivou, čime se obogaćuje kulturni život BiH. S druge strane, kampus Univerziteta je mjesto gdje se organiziraju različite kulturne manifestacije, kao što su promocije knjiga, umjetničke izložbe i koncerti. Studenti koji su završili studij na IUS-u, osim maternjeg jezika, govore i engleski, te turski i/ili bosanski, a često pronalaze poslove u izvozno orijentiranim ili multinacionalnim kompanijama. Svoje znanje o lokalnom tržištu i općoj situaciji u BiH bivši studenti IUS-a koriste kako bi promovirali BiH kod potencijalnih stranih investitora.